



Broj: 11-19/2-11-2-3573-IV/24

Datum: 05.12.2024.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 ,59/22 i 50/24), i prijedloga Komisije za provođenje otvorenih postupaka nabavke za 2024. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke metalnih kasa i ormara za LOT 4

1. Prihvata se prijedlog Komisije za provođenje otvorenih postupaka nabavki u postupku Javne nabavke metalnih kasa i ormara za LOT 4, te se Ugovor dodjeljuje ponuđaču ponuđaču Adut plus d.o.o. Banja Luka, prema Ponudi broj: 55/24 od 25.11.2024.godine, po ukupnoj cijeni u iznosu od 4.875,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19/2-11-2-3573 od 01.11.2024.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke kancelarijskog i laboratorijskog namještaja i metalnih kasa i ormara za LOT 4 - Metalne kase i ormari, po Obavještenju o nabavci broj: 1412-1-1-349-3-168/24 od 04.11.2024.godine, *objavljenom u "Službenom glasniku BiH" broj:76/24, dana 08.11.2024.godine.*

Procijenjena vrijednost nabavke za LOT 4 - Metalne kase i ormari iznosi 4.876,35 KM bez PDV-a.

Komisija za provođenje otvorenih postupaka javnih nabavki je dana 27.11.2024.godine, izvršila radnju Otvaranje ponuda o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za LOT 4 - Metalne kase i ormari, Komisija je utvrdila da su za navedenu nabavku u propisanom roku pristigle (3) tri ponude i to: Ponuda ponuđača Adže Classic export import d.o.o. Tešanj broj:37/24 od 18.11.2024.godine sa ponuđenom ukupnom cijenom od 4.875,00 KM bez PDV-a, Ponuda ponuđača SBO d.o.o. Sarajevo broj:07-11/FMUP/2024 od 27.11.2024.godine sa ponuđenom ukupnom cijenom od 4.850,00 KM bez PDV-a i Ponuda ponuđača Adut plus d.o.o. Banja Luka broj:55/24 od 25.11.2024.godine sa ponuđenom ukupnom cijenom u iznosu od 4.875,00 KM bez PDV-a.

U postupku pregleda i ocjene ponude ponuđača Adže Classic export import d.o.o. Tešanj za LOT 4 - Metalne kase i ormari, Komisija je utvrdila da navedeni ponuđač svoju ponudu nije dostavio u skladu sa tačkom 27. Tenderske dokumentacije, odnosno u prijedlog ugovora nije unio/upisao sve potrebne elemente (u prijedlog ugovora unesen/upisan samo naziv ponuđača) bez da je u prijedlog ugovora unio/upisao ponuđenu cijenu, kao i druge podatke sadržane prijedlogom ugovora, iz kojeg razloga je ponuda navedenog ponuđača za LOT 4 - Metalne kase i ormari, u skladu sa članom 2. ZJN BiH ocijenjena kao nepravilna i kao takva za ugovorni organ neprihvatljiva, te je navedeni ponuđač isključen iz dalje kvalifikacije za navedeni LOT.

U postupku pregleda i ocjene ponude ponuđača SBO d.o.o. Sarajevo za LOT 4 - Metalne kase i ormari, Komisija je utvrdila da je navedeni ponuđač dostavio ponudu koja nije u skladu sa tehničkom specifikacijom iz tenderske dokumentacije koja je sadržana u obrascu za cijenu ponude-robe. U skladu sa tačkom 9. Tenderske dokumentacije, ponuđač je bio dužan ponuditi robu na način da ista odgovara svim tehničkim uslovima i karakteristikama koje su navedene u Tenderskoj dokumentaciji, što ponuđač SBO d.o.o. Sarajevo nije učinio, nego je ponudio:

- Sigurnosni vatrotoporni ormar-VALBERG, čije vanjske dimenzije, unutarne dimenzije, težina, broj polica nisu u skladu sa traženim tehničkim specifikacijama iz obrasca za cijenu ponude;
- Metalni ormar sa pretincima za oružje Model: 3XS – 15 pretinaca, čije vanjske dimenzije nisu u skladu sa traženim tehničkim specifikacijama iz obrasca za cijenu ponude.

Iz navedenih razloga je ponuda ponuđača SBO d.o.o. Sarajevo za LOT 4 – Metalne kase i ormari, u skladu sa članom 2. ZJN BiH ocijenjena kao nepravilna i kao takva za ugovorni organ neprihvatljiva, te je navedeni ponuđač isključen iz dalje kvalifikacije za navedeni LOT.

Komisija je utvrdila da je navedena ponuda ponuđača Adut plus d.o.o. Banja Luka, formalno-pravno ispravna i ispunjava uslove tražene tenderskom dokumentacijom, te kao takva za ugovorni organ je prihvatljiva.

Obzirom da je za navedenu nabavku pristigla samo (1) jedna prihvatljiva ponuda, e-Aukciju nije moguće provesti.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH predložila da se za LOT 4 – Metalne kase i ormari, donese Odluka o izboru najpovoljnijeg ponuđača i ugovor dodijeli ponuđaču Adut plus d.o.o. Banja Luka, prema Ponudi broj:55/24 od 25.11.2024.godine, po ukupnoj cijeni u iznosu od 4.875,00 KM bez PDV-a, što je konstatovano u Zapisniku o pregledu i ocjeni ponuda od 02.12. i 05.12.2024.godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

**V.D. DIREKTOR
(Načelnik SKP-e)
GLAVNI INSPEKTOR**

Vahidin Munjić

Dostaviti:

- Sektor za finansije i javne nabavke
- ponuđačima
- u spis